

امور تحریر یہ ایچون فؤاد بک
وامور اداره ایچون آرتین افندی بہ
مراجعت اولنور۔

—

مسلکمزہ موافق آثار قبول اولنور۔
درج اولنمیان اوراق اعادہ اولنماز۔

مجلہ علمی

ادارہ خانہ سی باب عالی جادہ سندہ
۵۲ نومرولی « شرکت مرتبہ »
مطبعہ سیدر۔

—

استانبول ایچون سنہ لکی مطبعہ دن
آلنق شرطیلہ ۴۰ طشرہ لره پوستہ
اجرتیلہ برابر ۶۰ غروشدر۔

نسخہ سی ۱ غروش

پنجشنبہ کونلری نشر اولنور ادبی، فنی و صناعی غزیرہ در

نسخہ سی ۱ غروش

تموینه خدمت ایدمه یوب یالکز قول باجاق
کبی بعض اعضا نك تقویه سنه خدمت ایله دیکی حالد
پرنس ذوغالک کشادینه همت ایتدیکی مکتبه
قزله تعلیم اولان ادمان سایه سنده وجودك
هر طرفی متساویاً استفاده ایتکده اولدینی
کبی فرانسه مکتبه کی اصول انجق تشکلات
وجودیه سی صاغلام، متین اولانلره استفاده
بخش اوله رق تازه قزلرك وجودینه ایراث
مضرت ایتدیکی حالد انکلیزلرك مکتبه
اتخاذ ایدیلان اصول بو محذوردن دخی کلیاً
آزاده اولدیغندن ارکک، قادین، کنج،
اختیار کیم اولورسه اولسون وجودك بر
صورت متساویه نشو ونماسنه، اکتساب
قوت ایله مه سنه خادمدر.

قزله تعلیم ایچون کونده یالکز بر ساعت
مدت تخصیص ایدیلوب بو مدت ظرفنده
غایت خفیف بر فانیلا دون ایله قیصه برر
اتککک لابس اولان قرق، الی قز جوجوغی
بز صنف تشکیل ایدره ک حرکات بدنیه تعلیم
ایتکده وبو سایه ده وجودجه پک بیوک
استفاده ایله مکده ایمشدر.

شو معلوماتی ویرن فرانسر غزله لری
حفظ صحت پک موافق، کنج قزلرك وجودینه
پک نافع اولان بواصولک فرانسه ده دخی
موقع اجراه وضعی حقنده بیان آرزودن
چکینه یوزلر.

تراجم احوال

« اسکندر »

(مابعد)

دارانک بوهزیمی بحر سفید سواحلی
فرات وادیسندن آیران جبال متسلسله
آراسنده کائن (ایسوس Issus) ده واقع
اولمش ایدی. اسکندر بوندن صوکره نهرک
استقامته دوغرو دارایی تعقیب ایدمه جک

یرده، بحر سفید سواحلیندن قاجاماق ویر
کونه حرکت مجال بر اقامق مقصدیه اول باول
مصره قدر بوجوار لری استیلا غزمه دوشدی.
ابتدا ضبطنه تشبث ایله دیکی تیر شهری اها
لیسندن شدتلی مقابله کورمه سی اوزرینه
شهرک اطرافنه سدلر انشاسیله یدی آی قدر
محاصره دن صوکره تسخیریه موفق اولدی.
ایکی آی واقع اولان محاصره نتیجه سنده ده
غزه شهرینی ید ضبطنه کچردی. بونلری
متعاقب بتون سوریه قطعه سیله قبریس
جزیره سی الیه ایتدیکی کبی مصره دخی
حامی صفتیه قبول ایدلش ایدی. اسکندر
بوفرصتن استفاده ایله لیبیه صحرا سنده بولان
« آمون » معبد جسینی زیارت ایتدی.
بورانک « باش راهی » اسکندری « آمون » ک
اوغلی نامه استقبال ایلده دی.

اسکندر مصردن چیقمازدن اول کندی
نامه اوله رق « اسکندریه » شهرینی ده تأسیس
وبنا ایلده دی [۳۳۱].

بو فتوحاتدن صوکره ایش دارا ایله
اولان محاربه نك انتاجنه قالمش ایدی. دارا
اسکندر کندی اوزرینه حرکتی خبر آنجه
مصالحه قیدیه دوشه رک، روایت کوره، مالک
اولدینی اراضینک نصفی ترک ایتکله برابر
کریمه لرندن برینی ده اسکندره تزویج ایله مک
شرطیه تکلیف مصالحه ایتش ایسه اسکندر
بو تکلیفی قطعی ارایتدی. دجله و فرات نهرلرینی
کچکدن صوکره بونلرک سواحل شرقیه سی بویجه
امتداد ایدن صحرای واسعه دکر خیام ایتدی.
دارانک بو دفعه جمع ایتش اولدینی عسکر
عددجه اولکندن زیاده اولقله برابر یونانیلرک
صولته مقابله ایدمه یلک ایچون مهمما ممکن
محارب و ممتاز اولق اوزره انتخاب ایدلش
ایدی. فقط ماکدونیا لیلر دارا طرفندن
بالذات قوماند اولان واردوسنک مرکزینی
تشکیل ایله یین عساکر اوزرینه او قدر شدتلی
بر هجوم اجرا ایتدیلرکه دارا عسکری بودفعه

(ایسوس) صحرا سنده کی قدرده مقاومت
ایدمه یوب آز زمانده بوزولدی. بومعمرکه ده
اسکندر، عسکرندن آنجق اوچ یوز کشی
غائب ایدوب دارا ایسه تلفات کلیه ویره رک
فراره مجبور اولدی.

دارانک حکومتنه آرتق نهایت ویرمش
اولان بومعمرکه قبل المیلاد (۳۳۰) تاریخنده
واقع اولوب تاریخده « اربیل محاربه سی »
نامه قید واشعار اولمشدر.

احراز ایتش اولدینی شو غالبیت اوزرینه
اسکندر « بابل » شهرینه عطف عنان عزیمت
ایدره ک شهر مذکورده « آسیا قرالی » عنوانیه
ومطنطن الای والا ایله قبول ایدلدی.
« پرسه پولیس » ی یونانیلره اولان غیظ
و عداوتنه بناء اعدام ایدوب بعده
« اکباتان » اوزرینه یورودی. دارا ایسه
بو آراق بورالردن چیقماق اوزره ایدی.
اسکندر معیتنه بر مقدار سواری آله رق
تعقیبه شتابان اولدی. نهایت دارا فوت
اوله سیله نعشی ایران قرالترینک مدفون
بولندقلری مقبره یه مراسم مخصوصه و معتاده
ایلّه نقل ایتدیریلوب دفن ایدلدی. متعاقباده
اسکندرک آسیا قرالیتی صورت قطعیه ده
اعلان اولدی.

بونک اوزرینه اسکندر ایرانیلرک طرز
معیشتی قبول ایدره ک بوراده دبدبه وطنطنه
ایچنده عمر گذار اوله یی ماکدونیا ده کمال
استراحت ایله اصرار حیات ایله مک ترجیح
ایتش ایسه معیتنه بولان ماکدونیا لیلره
عادات ایرانیه اتباعاً بویله برطاقم مراسم
وتشریفاته رعایت پک آغر کلشن واسکندر
ایسه بونلری رعایت مجبور ایتک ایچون بر
خیلی مشکلاته دوچار اوله سیله اشواحوال
نامرضیه لرندن دولای پدینک قدیم معیتی
حقنده قلبنده در حال براغبار حاصل ایتک
باشلامش ایدی. (مابعدی وار)